

Na osnovu člana 32a. stav 4. Zakona o državnoj službi u institucijama Bosne i Hercegovine („Službeni glasnik BiH“, br. 19/02, 35/03, 4/04, 17/04, 26/04, 37/04, 48/05 i 2/06) i člana 16. Zakona o upravi ("Službeni glasnik BiH", broj 32/02), Agencija za državnu službu, donosi

P R A V I L N I K
O IZMJENAMA I DOPUNAMA
PRAVILNIKA O POSTUPKU PREMJEŠTAJA I POSTAVLJENJA
DRŽAVNIH SLUŽBENIKA U SLUČAJU PRENOSA ILI PREUZIMANJA
NADLEŽNOSTI OD STRANE INSTITUCIJA BOSNE I HERCEGOVINE

Član 1.
Uvodna odredba

U članu 1. stav 1. Pravilnika o postupku premještaja i postavljenja državnih službenika u slučaju prenosa ili preuzimanja nadležnosti od strane institucija Bosne i Hercegovine („Službeni glasnik BiH“, broj 28/04), riječi: „i 17/04“, zamjenjuju se riječima: „17/04, 26/04, 37/04, 48/05 i 2/06“.

Član 2.
Komisije

U članu 7. stav 1, u trećem redu iza riječi: „članove“ dodaju se riječi: „odnosno predlažu imenovanje članova“.

U stavu 4. na kraju reda tačka se mijenja zarezom i dodaju se riječi: „koja utvrđuje i naknadu za njegov rad i vrši isplatu iste.“.

Član 3.
Diskvalifikacija članova komisije

Član 8. se mijenja i glasi:

„1. U skladu sa članom 25. Zakona, svaki prijavljeni kandidat ima pravo da traži i dobije od Agencije imena članova komisije, te da pismenim putem traži od Odbora državne službe za žalbe diskvalifikaciju članova komisije, iz razloga propisanih istim članom Zakona.

2. Zahtjev u skladu sa stavom 1. ovog člana može se podnijeti najkasnije do momenta pristupanja kandidata polaganju stručnog ispita.“.

Član 4.
Pravo pristupa na intervju

U članu 13, iza stava 6. dodaje se novi stav 7. koji glasi:

„7. Iznimno, ukoliko nijedan kandidat nije na pismenom dijelu stručnog ispita tačno odgovorio na najmanje dvije trećine postavljenih pitanja, na intervju se pozivaju kandidati koji su na pismenom dijelu stručnog ispita tačno odgovorili na najmanje polovinu postavljenih pitanja.”

Dosadašnji st. 7. i 8. postaju st. 8. i 9.

Član 5.

Izbor državnih službenika

U članu 17, st. 3, 4, 5. i 6. se mijenjaju i glase.

„3. Predsjedavajući komisije listu kandidata iz stava 1. ovog člana dostavlja rukovodiocu institucije.

4. Rukovodilac institucije listu prosljeđuje Agenciji, sa prijedlogom datuma postavljenja najuspješnijeg kandidata, osim ako je riječ o rukovodećim državnim službenicima.

5. Ukoliko se jedan kandidat istovremeno prijavio na dva ili više mjesta različitog nivoa, Agencija vrši postavljenje na mjesto najvišeg nivoa, osim ako kandidat tokom izbornog procesa nije pristao i na postavljenje na mjesto nižeg nivoa.

6. Ukoliko je riječ o rukovodećem državnom službeniku, Agencija po dobijanju liste kandidata, organu nadležnom za postavljenje dostavlja mišljenje, radi imenovanja.”

Član 6.

Imenovanja

U članu 18, stav 2. se mijenja i glasi:

„2. Rukovodeći državni službenik imenuje se u skladu sa članom 28. st. 2. i 3. Zakona.“

Član 7.

Rezultati ispita

U članu 19, stav 1. se mijenja i glasi:

“1. Na službenoj internet stranici Agencije objavljuju se rezultati stručnog ispita, koji uključuju listu uspješnih kandidata i rezultate kandidata koji nisu zadovoljili na stručnom ispitu.”

Član 8.

Žalbe

Član 20. se mijenja i glasi:

“1. Kandidat prijavljen na neki od oglasa u skladu sa odredbama ovog pravilnika, koji smatra da postupak provođenja nije bio u skladu sa propisima, može u roku od osam dana od dana objave rezultata na službenoj internet stranici Agencije, izjaviti žalbu Odboru državne službe za žalbe.

2. Žalba iz stava 1. ovog člana ne zaustavlja dalje postupke.

3. Rješenje po žalbi je konačno i izvršno i protiv istog se u roku od 15 dana od dana dostavljanja može tužbom pokrenuti spor pred nadležnim redovnim sudom, u skladu sa zakonom kojim je uređen parnični postupak.”

Član 9.
Prelazna odredba

Odredbe ovog pravilnika primjenjivaće se na sve postupke koji nisu okončani do njegovog stupanja na snagu.

Iznimno od stava 1. ovog člana, žalbe predate Agenciji za državnu službu do stupanja na snagu ovog pravilnika, riješiće Agencija.

Rokovi iz čl. 6. i 8. ovog pravilnika primjenjuju se od dana stupanja na snagu Zakona o izmjenama i dopunama zakona o državnoj službi u institucijama Bosne i Hercegovine („Službeni glasnik BiH“, broj 48/05).

Član 10.
Stupanje na snagu

Ovaj pravilnik stupa na snagu osmog dana od dana objavljivanja u "Službenom glasniku BiH".

Broj: 01-02-157/06
15. marta 2006. godine
Sarajevo

Direktor
Jakob Finci